

# Statut d'organisaziun dalla Uniun da scola secundaria e reala dallas vischnauncas Laax e Falera

## I. Disposiziuns generalas

### Art. 1

Sut il num «Uniun da scola Laax e Falera» exista ina corporaziun da dretg public el senn dalla Lescha da vischnauncas dil cantun Grischun (art. 53 ss.).

Num, sedia,  
«Uniun da  
scola Laax e  
Falera»

L'uniun da scola ha sia sedia a Laax.

### Art. 2

L'uniun da scola meina ina scola secundaria, ina scola reala, el senn dalla legislaziun cantunala da scola.

Intent

Las duas vischnauncas politicas da Laax e Falera fuorman in consorzi da scola.

## II. Organisaziun

### Art. 3

Ils organs ordinaris dall'uniun da scola ein:

Organs dalla  
uniun da scola

- a) las radunonzas communalas da Laax e Falera
- b) il cussegl da scola
- c) la cumissiun da gestiun
- d) il revisurat

### a) Las radunonzas communalas dallas vischnauncas commembras

### Art. 4

Las radunonzas communalas dalle vischnauncas commembras han las suandontas incumbensas e cumpetenzas:

Incumbensas e  
cumpetenzas

- a) d'eleger mintgamai tschun commembers dil cussegl da scola ed in suppleant, pia Laax 5 e Falera 5
- b) d'eleger mintgamai in commember dil revisurat
- c) d'approbar igl uorden da scola
- d) d'approbar il rapport annual ed il quen annual
- e) da lubir expensas che survargan la cumpetenzza finanziaria dil cussegl da scola
- f) da fixar il cuoz da scola
- g) da scaffir e da supprimer plazzas da scolasts
- h) da fixar las contribuziuns als cuosts che las vischnauncas commembras han da pagar.

### **Art. 5**

Maioritad  
qualificada

Per l'approbaziun da propostas che ston vegnir suttamessas en mintga vischnaunca allas radunonzas communalas drova ei il consentiment dalla maioritad dils votants.

### **Art. 6**

Dretg  
d'iniziativa

En l'unìun da scola ha mintga suprastanza dallas vischnauncas commembras il dretg d'iniziativa. Ils votants d'ina vischnaunca commembra prateschan il dretg d'iniziativa tenor il dretg communal relativ.

### **b) Il cussegl da scola**

#### **Art. 7**

Cussegl  
da scola

Il cussegl da scola secumpona dil president (dil cussegl da scola primara da Laax), digl actuar e dad 8 ulteriurs commembers, total 10 personas.

Il cussegl da scola seconstituescha sez, cun excepziun dil president, che fa part dalla suprastanza communal da Laax. Tschun commembers dil cussegl da scola han domicil a Laax e tschun commembers dil cussegl da scola a Falera. Per ordinari metta la vischnaunca da Falera il vicepresident.

La vischnaunca da Laax e la vischnaunca da Falera mettan mintgamai in suppleant.

Il cussegl da scola vegn elegius ed indemnisaus tenor las prescripziuns dallas vischnauncas commembras pertuccadas.

Il protocol vegn screts per romontsch. Las deliberaziuns vegnan fatgas, sche pusseivel, per romontsch.

### **Art. 8**

Il cussegl da scola meina e controllescha il menaschi da scola. El ha da survigilar l'applicaziun dalla legislaziun da scola dil cantun e digl uorden da scola dall'uniun da scola. Sper las cumpetenzas menziunadas ella lescha da scola dil cantun ha el ils suandonts dretgs:

Incumbensas e cumpetenzas

- a) d'eleger e da relaschar scolasts/scolastas
- b) da stabilir las cundiziuns d'engaschament per ils scolasts/las scolastas el rom dallas leschas cantunalas
- c) da preparar igl uorden da scola sco era eventualas revisiuns per mauns dallas radunonzas communalas
- d) da decider davart expensas per acquisiziuns tochen frs. 5000.– ad onn
- e) da procurar per mieds d'instrucziun e material da scola tenor la clav da repartiziun dils cuosts
- f) da far il rapport annual
- g) da representar l'uniun da scola avon autoritads, dertgiras e tiarzas personas.

Ulteriuras obligaziuns san vegnir surdadas al cussegl da scola egl uorden da scola.

### **Art. 9**

Il cussegl da scola ei cumpetents da decider, sche silmeins 6 comembers ein presents.

Cumpetenza da decider

### **Art. 10**

Il cussegl da scola pren sias decisiuns per ordinari cun maunpli, nunche in da ses commembers giavischi in scrutini. Elecziuns vegnan fatgas cun scrutini.

Votaziuns ed elecziuns

En cass da paritad dallas vuschs en damondas realas decida il president senza retrer sia vusch gia dada. En cass da paritad dallas vuschs tier elecziuns decida la sort.

### **c) La cumissiun da gestiun ed il revisurat**

### **Art. 11**

La cumissiun da gestiun secumpona mintgamai d'in representant dallas vischnauncas commembras. Ella controllescha tut las fattschentas dall'uniun da scola e fa mintg'onn rapport e proposta per

Composiziun ed incumbensas

mauns dallas radunonzas communalas. Il revisurat ha l'incumbenza da verificar annualmein ils quens dall'uniun da scola. El ha era da far in rapport e da suttametter quel cun proposta allas radunonzas communalas. Il revisurat ei identics cun quel dalla vischnaunca da Laax.

#### **Art. 12**

Scolasts e  
scolastas

Ils scolasts e las scolastas ein emploiai/adas da vischnaunca.

Els regnan elegi entras l'istanza cumpetenta dalla vischnaunca per ina perioda da 3 onns e salarisai entras l'uniun da scola Laax e Falera.

### **III. Finanzas**

#### **Art. 13**

Onn da gestiun

Sco onn da gestiun vala igl onn da scola.

#### **Art. 14**

Sco cuosts comunabels valan:

- a) las pagas dils scolasts /dallas scolastas tenor las prescripziuns cantunalas
- b) ils tscheins per las localitads da scola e las spesas accessorias
- c) las expensas per il material d'instrucziun e per il material da diever
- d) las expensas per indrezs e mobiliar
- e) las segiradas sco era ils ulteriurs cuosts en connex cul menaschi da scola (schubergiar las localitads).

#### **Art. 15**

Repartiziun  
dils cuosts

Ils cuosts che seresultan dil menaschi da scola ed ein menziunai egl art. 14 a–e vegnan pagai ord la cassa communal da Laax e mess a quen annualmein allas vischnauncas commembras a propoziziun dil diember da scolars actual. Per scolars che extreschan avon igl emprem da fevrer digl onn da scola current vegn relaschau la mesadad dalla taxa da scola. Per quels ch'entran suenter igl emprem da fevrer eis ei da pagar mo la mesa taxa.

#### **Art. 16**

Contabilitad

L'administraziun communal da vischnaunca da sedia fa l'entira contabilitad dalla scola secundara e reala. Ella incassescha las contribuziuns dallas vischnauncas commembras, retscheiva las contribuziuns cantunalas e salarisescha ils scolasts/las scolastas.

Ils scolasts/las scolastas prendan domicil en ina dallas duas vischnauncas.

## IV. Disposiziuns finalas

### Art. 17

Quei statut d'organisaziun entra en vigur cun l'approbaziun dalla regenza. El remplazza il contract digl onn 1950. Entrada en vigur

### Art. 18

Sin proposta dil cussegl da scola, dalla suprastanza d'ina vischnaunca commembra ni sin fundament d'in'iniziativa ni moziun tenor il dretg communal en ina vischnaunca commembra sa il statut d'organisaziun vegnir revedius da tut temps entiramein ni parzialmein cun ina votaziun en omisduas vischnauncas. Revisiun

### Art. 19

Ina vischnaunca commembra sa extrar dall'uniun da scola observond in termin da visada da treis onns sin la fin digl onn da scola correspondent. Cheutras vegn l'uniun da scola sligiada. Extrada

### Art. 20

Per ils deivets stattan omisduas vischnauncas bunas. Ina facultad eventuala vegn repartida tenor la media da scolars dils davos tschun onns. Dissoluziun

### Art. 21

Quei statut d'organisaziun sto vegnir acceptaus dallas radunonzas communalas da Laax e Falera. Suenter sto el vegnir approbaus dalla regenza. Approbaziun dil contract

Il statut d'organisaziun vegn fatgs en 12 exemplars

4 exemplars per las vischnauncas commembras

2 exemplars per il cussegl da scola

2 exemplars per il departament d'educaziun dil cantun

4 exemplars per la regenza